

27/12/12

Déclaration du FKNG ! au Congrès des élus du 27 dec 2012-

Damuk ZANDWONIS
Secrétaire National
FKNG!

Man Borel Presidan a Rejyon Gwadeloup é a kongré la
M. JAK JILO prezidan a CJ - *V-lund nous de danyé Kolonizasyon*
Tout elu gwadeloup ki la jodla
Pép gwadeloupéyen ki ka pwan fè é ki vé sa chanjé an péyi la
byen bonjou !

An kay vwè si adan ti 3 minit la yo ban nou la an kay pé di zot tou sa an ni a di :
Sa ké red men an kay éséyé kan menn sé zyé ki lach !

1é biten anni a di zot, An ka palé an non a on Jenn organizasyon , ki fet ni 2
lanné non a y sé:

FKNG ! sa vé di Fos pou Konstwui Nasyon Gwadeloup (2)

Alos kon sé 1é fwa nou ka vin adan kongré a zot an oblijé dé ti mo si FKNG ! -

FKNG : nou désidé sanblé moun, pou palé avé gwadeloupéyen, espliké yo pou
ansanm ansanm , nou vwè ka ki ni a fè pou chanjé figi a péyi annou la ,
pou konstwui y : é si nou ka di nou ka konstwui sé davwa i pa kon i téké fo i yé.

FKNG ! sé on krey Patriyot Gwadeloupéyen (é ni matiniken avé nou,) yo ka kriyé
nou Nasyonalis, Endependantis,...sa pa on poble.. davwa kon zot tout ki isi jodla
, nou sé Gwadeloupéyen ; ,nou enmé péyi annou é sé sa ki fondal !

FKNG antikolonialis davwa, nou ka goumé pou on jou péyi an nou gannyé libété
ay é pou pép an nou pé dirijé péyi ay !

Men FKNG ! nou pa kouyon, nou sav sa pa fasil sa péké fasil , pouki ? sé
davwa yo KOLONIZE nou, yo pwan tét an nou..

oui, sa ka fé 377 lanné , Ti gwadeloup la sa, anba jouk... a on dot péyi , ni moun ki
pa vlé tann sa,
pa vlé vwè sa, é yo ka di , sa bon kon sa yé la an nou pa chanjé ayen ! .

FKNG ! nou pa dakô avé yo é sé pou sa nou la, pou rédé pep an nou piti a piti
vwè pli klé

Fè pep annou konpwann ola lenteré ay yé, -
fey konpwann, gouvelman fwansé li menn ay anbarasé é kô ay é pa gè ni
solisyon pou nou ankô.. .

Men ni telman gwadeloupéyen ki poko konpwann, ki pa vlé konpwann, ki ka kwé!
toulongalé ti vwa ti jonn la ké pasé, é chak mwa yo ké ay la pos touché lajan é la vi
kontinyé ka fofilé kon sa, ✓

Nou FKNG niu ka di awa, sa pé pa rété kon sa , sa pé pa diré, davwa a pa sa ki lékolomi a on péyi,

Si nou vlé devlopé gwadloup a p a kon sa... nou pé pa kontinyé ka viv akokangn é kwè san travay —
san konstwui péyi la , manjé ké rivé tou kuit... an bouch annou,

FKNG, ka di, osi si s a kon sa, sé davwa nou poko nou menn, yo ka fè nou konpwann nou poko pé dézidé nou menn àlos de koloni, nou vin an 1946 on départmentman a yo , é yo désidé nou fwansé...:

E dépi 66 lanné yo ja éséyé TOUT kalité riméd, pou fé péyi la vansé, pou devlopé agrikilti ay, pou ba jennes ay travay, pou met péyi la doubout, men ayen menn / okontré pli nou kalé pli sa ka vin mové !

An péké woupwan litani a chif a chomaj, tout moun ki isidan dwet konet sitiasyon la àn péké woupwan non plis chif a gwadloupéyen ka tchouyé gwadloupéyen, radio, télé é jounal (a yo) ka répété sa toulong, —

an péké di hak non plis a si pri a lésans, ni pri a manjé, ni lopital yo ka fèmé davwa TOUT moun dakò péyi malad e bon jan malad la ! —

alos zot sé eli la zot ka éséyé chèché solisyon, pas zot ka kwè TOUJOU, nou pé rivé a fè kéchoz adan on sistem kolonyal, —^{LA}
men ola zot ja vwè on péyi kolonizé / departementalizé rivé devlopé ?
ki koté sa fet ?

FKNG! nou sètén pani pon éli ki la, é ki serryé ki ka kwè reyelman, ni mwayen fé plis ki sa zot ja fè..

Ala) Nou ka di onlo adan zot, ka manké odas ka manké lidé nef, ka manké kouraj politik pou di pep annou sa pa posib, nou pé kontinyé konsa, fo nou chanjé larel, fo nou touvé on dot chimen ...é sé pou sa dayé, lé yo ka fé sondaj, pép la menn ki eli zot, pa vlé zot ay pli lwen avé y é sé pou sa projé gwadloupéyen la, i pwan dlo...

magré tou sa zot fè pon éli pé pa di jodla PROJE LA sé ta pép gwadloup, !
alos fo zot mandé zot pouki ? pouki apré plis ki 12 kongré ayen pa ka chanjé ?
pouki pép annou méfyan ? — *Sondaj a 1950S sòti wou dèsh*

Avan yo té ka di pep la kont endépendantis, / i p a vlé ayen chanjé, men zot, zô pa endépendantantis ?) sé pep la i ka eli zot, men achak fwa zot vlé popozé y on biten i ka di awa ! —

mesyé dam ni on problém ! ni on gro pobleman ant pép la éli a y, nou pé pwan y an tout jan men sé kon sa i yé... é fo nou gadé nou an mitan zyé ! é touvé on solisyon.... *ON DOT SOLISYON*

FKNG ! pa tou sél é i pa sòti an syél, ni dot organizasyon ki asi menn larel ki nou é ki ja démontré sa pa posib —
Sa pa posib nou devlopé hak isidan ;

gay tou sa ti lantrépriz (artizanal) ka fémé , a pa vé pa y o pa vlé woulé
A pa lajan la rejyon pa ka met... pou ba yo on pal
men sé davwa sistem la pa ka ba yo pon chans,
sistem koloniyal pa fet pou permet gwadloupeyen devlopé hak isidan é ni lontan
sa kon sa, ni lontan nou sav, sa, men nou ka fé konsidéré tout biten ka maché lwuil..

Pouki biten ?

sé davwa ki ni nou vé, ki nou pa vlé , vé sé anbala yo ka desidé pou nou.
Avan sé té rejyonalisasyon, dènyé mod la se ak 3 , a ki sa ankô..
men tou a sé lak yo ka voyé pou nou, , é nou pavlé manjé pwason, nou vlé apwann
péché .

FKNG ! nou ja analizé sitiasyon a, é nou fin pa konpwann sistém la sa sé on véglaj
E pa pon artik a konkstitisyon a fwansé ké pé chanjé hak.. isidan _

Gay Balan plan , devlopman , dispozisyon lwa a sesi , pawol monté desann, eta
jenéro, yo ja fé an péyi la men pou ki yo tout ka échwé ?
`pou ki chomaj la pa ka jan bésé pou bon ?
pouki jennes annou diplomé oblijé foukan pou trouvé ~~an~~ travay an péyi dèwô ?
pouki agrikilti annou pa rantab, pou ki lizin ka fémé, pou ki kann é bannann an
difikilté, ? ki moun ki pwazonné tè annou ? pouki pani dlo an nô granntè ? pouki
lopital ka fémé marigalant ? pouki mizé ka devlopé ? bank pa ka rédé ti lentrépriz ? _

Tout moun ki isidan konnet tout sé répons la , sé davwa ou a dan on sistém ki pa
tan nou , lenj la yo vé nou poté la , i pa fét pou nou !

sé sa FKNG ! ka di é ka devlopé - è *ke devlop*

alos, nou dakô fo chanjé sistém ,men sé avé pép la, fo nou espliké y , é diskité avé
y
é i ké konpwann, pép gwadloiup pa pli kouyon ki pon dot, men i vlé sav ola y ka y,
pou'y pa pri an pon zatrap, si nou vé ay la pwent, fo pa nou di'y sé basté nou kay...-

gay sa ka pasé matinik é giyann, gouvevelman la ki dwat ki goch ka fé jé épi
matiniké, é sé sa ke rivé nou, si nou rété kon sa -

Alos nou FKNG ! nou met tet ansanm épi dot organizasyon`

Ki sé

COPAGUA (GONG)

PCG,

UPLG

nou kreyé depi on lanné on strikti yo ka kriyé`Forces Patriotiques antikoloniyalis
Anti kapitalis lé FPAC,
nou sanblé é nou ka woulé ~~se~~ |

nou kalkilé ansanm ansanm `é nou soti on dokiman serryé (mi li)

Sé larel annou, sé avé y nou ka trasé chimen annou , avé y nou ka diskité épi pép
annou é avé tout moun ki vlé péyi la désankayé ,

Tout moun ki vlé péyi la vansé !

Sé on dot chimen ki ta zot, men sé BON chimen la

Asiré séten pép la ké vin avé nou, pas i bon épi sistem la sa, i las pwan fè

Kon gwoup kannida ka di : NOU KA TRAVAY

NOU KA TRAVAY POU PÉYI LA , é sa ki dako avè nou ké pwan chimen an nou é an séten ki jôdi ki démen nou ké rivé la nou la vé alé la !

Fos pou konstwui Nasyon Gwadeloup : ansanm ansanm !

Danik ZANDRINI
Secretaire National
FKNG!

BT. 6 27/12/2017